

文選正文

山子點

十二

文
166
11

920.42
408
Vol. 134

不

文選止文卷之十一

連珠類

演連珠五十首

陸機

行啓記
志文庫
印

臣聞日薄星迴穹天所以紀物山盈川冲后土所以播氣五行錯而致用四時違而成歲是以百官恪居以赴八音之離明君執契以要克諧之會

臣聞任重於力才盡則困用廣其器應博則凶是以物勝權而衡殆形過鏡則照窮故明主程才以效業貞臣底力而辭

豐

臣聞髦俊之才世所希乏丘園之秀因時則揚是以大人基命不擢才於后土明主聿興不降佐於昊蒼

臣聞世之所遺未爲非寶主之所珍不必適治是以俊乂之
藪希蒙翹車之招金碧之巖必辱鳳舉之使

臣聞祿放於寵非隆家之舉官私於親非興邦之選是以三
卿世及東國多哀弊之政五侯並軌西京有陵夷之運

臣聞靈輝朝覲稱物納照時風夕灑程形賦音是以至道之
行萬類取足於世大化既洽百姓無匱於心

臣聞頓網探淵不能招龍振綱羅雲不必招鳳是以巢箕之
叟不盼丘園之幣洗渭之民不發傅巖之夢

臣聞鑿之積也無厚而照有重淵之深目之察也有晬而砥
周天壤之際何則應事以精不以形造物以神不以器是以

萬邦凱樂非悅鐘鼓之娛天下歸仁非感玉帛之惠

臣聞積實雖微必動於物崇虛雖廣不能移心是以都人冶
容不悅西施之影乘馬班如不輟太山之陰

臣聞應物有方居難則易藏器在身所乏者時是以充堂之
芳非幽蘭所難繞梁之音實繁絃所思

臣聞智周通塞不爲時窮才經夷險不爲世屈是以陵鷗之
羽不求反風曜夜之目不思倒日

臣聞忠臣率志不謀其報貞士發憤期在明賢是以柳莊黜
殞非食瓜衍之賞禽息碎首豈要先茅之田

臣聞利眼臨雲不能垂照朗璞蒙垢不能吐輝是以明哲之
君時有蔽壅之累俊乂之臣屢抱後時之悲

臣聞郁烈之芳出於委灰繁會之音生於絕絃是以貞女嬰

名於沒世。烈士赴節於當年。

臣聞良宰謀朝不必借威。貞臣衛主修身則足。是以三晉之疆。屈於齊堂之俎。千乘之勢。弱於陽門之哭。

臣聞赴曲之音。洪細入韻。顛節之容。俯仰依詠。是以言苟適事。精蘊可施。上苟適道。修短可命。

臣聞因雲灑潤。則芬澤易流。乘風載響。則音徽自遠。是以德教俟物。而濟榮名。緣時而顯。

臣聞覽影偶質。不能解獨。指跡慕遠。無救於遲。是以循虛器者。非應物之具。翫空言者。非致治之機。

臣聞鑽燧吐火。以續暘谷之峇。揮翮生風。而繼飛廉之功。是以物有微而毗著。事有瑣而助洪。

臣聞春風朝煦。蕭艾蒙其溫。秋霜宵降。芝蕙被其涼。是故威以齊物。爲肅德以普濟。爲弘。

臣聞巧盡於器。習數則貫。道繫於神。人亡則滅。是以輪匠肆。目不乏矣。仲之妙。瞽叟清耳。而無伶倫之察。

臣聞性之所期。貴賤同量。理之所極。卑高一歸。是以准月稟。水不能加涼。晞日引火。不必增輝。

臣聞絕節高唱。非凡耳所悲。肆義芳訊。非庸聽所善。是以南。荆有寡和之歌。東野有不釋之辯。

臣聞尋煙染芬。薰息猶芳。徵音錄響。操終則絕。何則。垂於世者。可繼。止乎身者。難結。是以玄晏之風。恒存動神之化。已滅。

臣聞託闇藏形。不爲巧密。倚智隱情。不足自匿。是以重光發。

藻尋虛捕景人人貞觀探心昭忒

臣聞披雲看霄則天文清澄風觀水則川流平是以四族放而唐劬二臣誅而楚寧

臣聞音以比耳爲美色以悅目爲歡是以衆聽所傾非假百里之操萬夫婉變非侯西子之顏故聖人隨世以擢佐明主因時而命官

臣聞出乎身者非假物所隆率平時者非克已所易是以利盡萬物不能感童昏之心德表生民不能救棲遑之辱

臣聞動循定檢天有可察應無常節身或難照是以望景揆日盈數可期撫臆論心有時而謬

臣聞傾耳求音砥優聽苦澄心徇物形逸神勞是以天殊其數雖同方不能分其感理塞其通則並質不能共其休

臣聞遁世之士非受匏以之性幽居之女非無懷春之情是以名勝欲故偶影之操矜窮愈達故凌霄之節厲

臣聞聽極於音不慕鈞天之樂身足於蔭無假垂天之雲是以滿密之黎遺時雍之世豐沛之士忘桓撥之君

臣聞飛辯西頰則離朱與矇眴收察懸景東秀則夜光與珉珠匿耀是以才換世則俱困功偶時而並劬

臣聞示應於近遠有可察託驗於顯微或可包是以寸管下儀天地不能以氣欺尺表逾立日月不能以形逃

臣聞絃有常音故曲終則改鏡無奇影故觸形則照是以虛已應物必究千變之容挾情適事不觀萬殊之妙

臣聞祝融希聲以諧金石之和。鼙鼓疎擊以節繁絃之契。是以經治必宣其通。圖物恒審其會。

臣聞目無嘗音之察。耳無照景之神。故在乎我者。不誅之於已。存乎物者。不求備於人。

臣聞放身而居。體逸則安。肆口而食。屬厭則充。是以王鮪登俎。不假吞波之魚。蘭膏停室。不思綯燭之龍。

臣聞衝波安流。則龍舟不能以漂。震風洞發。則夏屋有時而傾。何則。率乎動則靜凝。係乎靜則動貞。是以淫風大行。貞女

蒙冶容之誨。淳化殷流。盜跖挾曾史之情。臣聞達之所服。貴有或遺。窮之所接。賤而必尋。是以江漢之

君。悲其墜履。少原之婦。哭其亡簪。

臣聞觸非其類。雖疾弗應。感以其方。雖微則順。是以商飈漂山。不興盈尺之雲。谷風乘條。必降彌天之潤。故聞於治者。唱繁而和。寡審乎物者。力約而功峻。

臣聞煙出於火。非火之和。情生於性。非性之適。故火壯則煙微。性充則情約。是以殷墟有感物之悲。周京無佇立之跡。

臣聞適物之技。俯仰異用。應事之器。通塞異任。是以鳥棲雲而繳飛。魚藏淵而網沈。賁鼓密而合響。朗笛疎而吐音。

臣聞理之所守。勢所常奪。道之所閉。權所必開。是以生重於利。故據圖無揮劔之痛。義貴於身故臨川有投跡之哀。

臣聞通於變者。用約而利博。明其要者。器淺而應玄。是以天地之賡。該於六位。萬殊之曲。窮於五絃。

臣聞圖形於影未盡纖屨之容察火於灰不覩洪赫之烈是以問道存乎其人觀物必造其質

臣聞情見於物雖遠猶疎神藏於形雖近則密是以儀天步畧而修短可量臨淵揆水而淺深難察

臣聞虐暑熏天不減堅冰之寒涸陰凝地無累陵火之熱是以吞縱之彊不能反蹈海之志漂擗之威不能降西山之節臣聞理之所開力所常達數之所塞威有必窮是以烈火流金不能焚景沈寒凝海不能結風

臣聞足於性者天損不能入貞於期者時累不能淫是以迅風凌雨不謬晨禽之察勁陰殺節不凋寒木之心

箴類

女史箴

張華

茫茫造化二儀既分散氣流形既陶既甄在帝扈羲肇經天人爰始夫婦以及君臣家道以正而玉缺有倫婦德尚柔含章貞吉婉嫵淑慎正位居室施衿結褵虔恭中饋肅慎爾儀式瞻清懿樊姬感莊不食鮮禽衛女矯桓耳忘和音志厲義高而二主易心玄熊攀檻馮媛趨進夫豈無畏知死不移班妾有辭謝罪同輦夫豈不懷防微慮遠道罔隆而不殺物無盛而不衰日中則昃月滿則微崇猶塵積替若駭機人咸知飾其容而莫知飾其性性之不飾或愆禮正斧之藻之克念作聖出其言善千里應之苟違斯義則同衾以疑出言如微

而榮辱由茲勿謂幽昧靈監無象勿謂玄漠神聽無響無於

爾榮天道惡盈無恃爾貴隆隆者隆鑒于小星戒彼攸遂止
心益斯則繁爾類驩不可以黷寵不可以專專實生慢愛極
則遷致盈必損理有固然美者自美翩以取尤冶容求好君
子所警結恩而絕職此之由故曰翼翼矜矜福所以興靖恭
自思榮顯所期女史司箴敢告庶姬

封燕然山銘

班固

維永元元年秋七月有漢元舅曰車騎將軍竇憲寅亮聖皇
登翼王室納于大麓惟清緝熙乃與執金吾耿秉述職巡禦
治兵于朔方鷹揚之校螭虎之士爰該六師暨南單于東胡
烏桓西戎氐羌侯王君長之羣驍騎十萬元戎輕武長轂四
分雷輜蔽路萬有三千餘乘勒以八陣泣以威神玄甲耀日

朱旗絳天遂凌高閭下雞鹿經磧鹵絕大漠斬溫禺以擊鼓
血月逐以染鍔然後四校橫徂星流彗掃蕭條萬里野無遺
寇於是域滅區殫反旆而旋考傳驗圖窮覽其山川遂踰涿
邪跨安侯乘燕然躡冒頓之區落焚老上之龍庭將上以攄
高文之宿憤光祖宗之玄靈下以安固後嗣恢拓境宇振大
漢之天聲茲可謂一勞而久逸暫費而永寧也乃遂封山刊
石昭銘盛德其辭曰

鑠王師兮征荒裔勦凶虐兮截海外復其邈兮且地界封神
丘兮建隆嶠熙帝載兮振萬世

座右銘

崔瑗

無道人之短無說己之長施人慎勿念受施慎勿忘世譽不

足慕唯仁爲紀綱。隱心而後動。謗議庸何傷。無使名過實。守
愚聖所藏。在涅貴不緇。曖曖內含光。柔弱生之徒。老氏誠剛。
彊行行鄙夫。志悠悠。故難量。慎言節飲食。知足勝不祥。行之
苟有恒。久久自芬芳。

劔閣銘

張載

巖巖梁山。積石峩峩。遠屬荆衡。近綴岷嶓。南通印夔。北達褒
斜。狹過彭碣。高踰嵩華。惟蜀之門。作固作鎮。是曰劔閣。壁立
千仞。窮地之險。極路之峻。世濁則逆。道清斯順。閉由往漢。開
自有晉。秦得百二。并吞諸侯。齊得十二。田生獻籌。矧茲狹隘。
土之外區。一人荷戟。萬夫赳赳。形勝之地。匪親勿居。昔在武
侯中流。而喜山河之固。見屈吳起。興實在德。險亦難恃。洞庭

孟門。一國不祀。自古迄今。今天命匪易。憑阻作昏。鮮不敗績。公
孫旣滅。劉氏銜璧。覆車之軌。無或重跡。勒銘山阿。敢告梁益。

石關銘

陸倕

昔在舜格。文祖禹主。神宗周變。商俗湯黜。夏政雖革。命殊乎
因襲。揖讓異於干戈。而畧緯冥合。天人啓基。克明俊德。大庇
生民。其揆一也。在齊之季。昏虐君臨。威侮五行。怠棄三正。刑
酷然炭。暴踰膏柱。民怨神怒。衆叛親離。踏地無歸。瞻烏靡託。
於是。我皇帝拯之。乃操斗極。把鈞陳翼。百神視萬福。於是龍
飛黑水。虎步西河。雷動風驅。天行地止。命旅致屯。雲之應登。
壇有降火之祥。寇筵協從。人祗響附。穿胷露頂之象。箕坐推
髻之長。莫不援旗請奮。執銳爭先。負首憑固。庸岷負阻。協彼

離心抗茲同德帝赫斯怒秣馬訓兵嚴鼓未通凶渠泥首弘
舸連軸巨檻接艦鐵馬千羣朱旗萬里折簡而禽廬九傳檄
以下湘羅兵不血刃士無遺鏃而樊鄧威懷巴黔底定於是
流湯之黨握炭之徒守似藩籬戰同枯朽革車近次師營商
牧華夷士女冠蓋相望扶老携幼一旦雲集壺漿塞野簞食
盈塗似夏民之附成湯殷士之窺周武安老懷少伐罪弔民
農不遷業市無易賈八方入計四隩奉圖羽檄交馳軍書狎
至一日二日非止萬機而尊嚴之度不警於師旅淵默之容
無改於行陣計如投水思若轉規策定帷幄謀成几案曾未
浹辰獨夫授首乃焚其絢席棄彼寶衣歸琬臺之珠反諸侯
之玉指麾而四海隆平下車而天下大定拯茲塗炭救此橫

流功均天地明並日月於是仰協三靈俯從億兆受昭華之
玉納龍叙之圖類帝禋宗光有神器升中以祀羣望攝袂而
朝諸夏布教都畿班政方外謀協上策刑從甲典南服綏耳
西羈反舌劔騎穹廬之國同川共穴之人莫不屈膝交臂厥
角稽顙鑿空萬里攘地千都慕南罷鄴河西無警於是治定
功成邇安遠肅忘茲鹿駭息此狼顧乃正六樂治五禮改章
程創法律置博士之職而著錄之生若雲開集雅之館而款
關之學如市興建庠序啓設郊丘一介之才必記無文之典
咸秩於是天下學士靡然向風人識廉隅家知禮讓教臻侍
子化洽期門區宇乂安方面靜息役休務簡歲阜民和歷代
規摹前王典故莫不焚香躬截允執厥中以爲象闕之制其

來已遠。春秋設舊章之教。經禮垂布憲之文。戴記顯游觀之
言。周史書樹闕之夢。北荒明月。西極流精。海岳黃金。河庭紫
貝。蒼龍玄武之制。劍爵鐵鳳之工。或以聽窮。省寃。或以布治。
懸法。或以表正。王居。或以光崇。帝里。晉氏浸弱。宋歷威夷。禮
經舊典。寂寥無記。鴻規盛烈。湮沒罕稱。乃假天闕。於牛頭。託
遠圖。於博望。有欺耳目。無補憲章。乃命審曲之官。選明中之
士。陳圭置臬。瞻星授地。興復表門。草創華闕。於是歲次天紀。
月旅太簇。皇帝御天下之七載也。構茲盛則。興此崇禮。方且
趨以表敬。觀而知法。物覩雙碣之容。人識白重之典。作範垂
訓。赫矣壯乎。爰命下臣。式銘盤石。其辭曰。惟帝建國。正位辨
方。周管洛溪。漢啓岐梁。居因業盛。文以化光。爰有象闕。是惟
營章。青蓋南泊。黃旗東指。懸法無聞。藏書弗紀。大人造物。龍
德休否。建此百常。興茲雙起。偉哉偃蹇。壯矣巍巍。旁映重疊。
上連翠微。布教方顯。浹日初輝。懸書有附。委篋知歸。鬱崑重
軒。穹隆反宇。彤聳飛棟。勢起浮柱。色法上圓。制模下矩。周塋
原隰。俛臨煙雨。前賓四會。却背九房。北通二轍。南湊五方。暑
來寒往。地久天長。神哉萃觀。永配無疆。

新漏刻銘

陸鍾

夫自天觀象。昏旦之刻未分。治歷明時。盈縮之度無准。挈壺
命氏。遠哉義用。揆景測辰。徵官戒井。守以水火。分茲日夜。而
司曆亡官。疇人廢業。孟陬殄滅。攝提無紀。衛宏載傳。呼之節
較。而未詳。霍融叙分。至之差。詳而不密。陸機之賦。虛握靈珠。

孫綽之銘。空檀崑玉。弘度遺篇。承天垂旨。布在方冊。無彰器用。譬彼春華。同夫海棗。寧可以軌物字民。作範垂訓者乎。且今之官漏。出自會稽。積水違方。導流乖則。六日無辨。五行不分。歲蹶闕茂。月次姑洗。皇帝有天下之五載也。樂遷夏諺。禮變商俗。業類補天。功均柱地。河海夷晏。風雲律呂。坐朝晏罷。每日晨興。屬傳漏之音。聽雞人之響。以爲星火。謬中金水。違用時乖。啓閉箭異。錙銖爰命。日官草創。新器於是俯察旁羅。登臺升庫。則干地四參。以天一建。武遺蠹咸和餘舛。金筒方圓之制。飛流吐納之規。變律改經。皆懲革天監六年太歲丁亥十月丁亥朔十六日壬寅漏成。進御以考辰正。晷測表候。陰不謬圭。撮無乖黍。累又可以校運算之聯合。辨分天之

邪正。察四氣之盈虛。課六歷之疎密。永世貽則。傳之無窮。赫矣煥乎。無德而稱也。昔嘉量徵物。盤孟小器。猶其昭德記功。載在銘典。况入神之制。與造化合符。成物之能。與坤元等契。勲倍楹席。事百中机。寧可使多謝會水。有陋昆吾。金字不傳。銀書未勒者哉。乃詔小臣爲其銘曰。

一暑一寒。有明有晦。神道無跡。天工罕代。乃置挈壺。是惟熙載。氣均衡石。器正權槩。世道交喪。禮術銷亡。遽遷水火。爭倒衣裳。擊乃外次。叢木乖方。爰究爰度。時惟我皇。方壺外次。圓流內襲。洪殺殊等。高卑異級。靈札承注。陰蟲吐喻。倏往忽來。鬼出神入。微若抽繭。逝如激電。耳不輟音。眼無留眵。銅史司刻。金徒抱箭。履薄非兢。臨深罔戰。授受靡訾。登降弗爽。唯精

唯一可法可象。月不知來日無藏。往分似符契。至猶影響合。
昏暮卷。賞莢晨生。尚辨天意。猶測地情。况我神造。通幽洞靈。
配皇等極。爲世作程。

誄類

王仲宣誄并序

曹植

建安二十二年正月二十四日戊申。魏故侍中關內侯王君
卒。嗚呼哀哉。皇穹神察。詰人是恃。如何靈祇。殲我吉士。誰謂
不痛。早世卽冥。誰謂不傷。華繁中零。存亡分流。天遂同期。朝
聞夕沒。先民所思。何用誄德。表之素旗。何以贈終。哀以送之。
遂作誄曰。猗歟侍中。遠祖彌芳。公高建業。佐武伐商。爵同齊
魯。邦祀絕亡。流裔畢萬。勲績惟光。晉獻賜封。于魏之疆。天開

之祚。末胄稱王。厥姓斯氏。條分葉散。世滋芳烈。揚聲秦漢。會
遭陽九。炎光中暎。世祖撥亂。爰建時雍。三合樹位。履道是鍾。
寵爵之加。匪惠惟恭。自君一祖。爲光爲龍。僉曰休哉。宜翼漢
邦。或統太尉。或掌司空。百揆惟敘。五典克從。天靜人和。皇教
遐通。伊君顯考。奕葉佐時。入管機密。朝政以治。出臨朔岱。庶
績咸熙。君以淑懿。繼此洪基。既有令德。材技廣宣。彊記洽聞。
幽讚微言。文若春華。思若涌泉。發言可詠。下筆成篇。何道不
洽。何藝不開。棋局逞巧。博奕惟賢。皇家不造。京室隕顛。宰臣
專制。帝用西遷。君乃羈旅。離此阻艱。翕然鳳舉。遠竄荆蠻。身
窮志達。居鄙行鮮。振冠南嶽。濯纓清川。潛處蓬室。不干勢權。
我公奮鉞。耀威南楚。荆人或違。陳戎講武。君乃義發。算我師

旅高尚。霸功投身。帝宇斯言。旣發謀夫。是與是與。伊何。伊何。響我明德。投戈編柝。稽顙漢北。我公定嘉。表揚京國。金龜紫綬。以彰勲則。勲則伊何。勞謙靡已。憂世忘家。殊略卓峙。乃署祭酒。與軍行止。算無遺策。畫無失理。我王建國。百司儔又。君以顯舉。秉機省闈。戴蟬珥貂。朱衣皓帶。入侍帷幄。出擁華蓋。祭耀當世。芳風晻藹。嗟彼東夷。憑江阻湖。騷擾邊境。勞我師徒。光光戎輅。憲駭風徂。君侍華轂。輝耀王塗。思榮懷附。望彼來威。如何不濟。運極命衰。寢疾彌留。吉往凶歸。嗚呼哀哉。翩翩孤嗣。號慟崩摧。發軫北魏。遠迄南淮。經歷山河。泣涕如頽。哀風興感。行雲徘徊。游魚失浪。歸鳥忘栖。嗚呼哀哉。吾與夫子。義貫丹青。好和琴瑟。分過友生。庶幾遐年。攜手同征。如何奄忽。棄我夙零。感片宴會。志各高厲。予戲夫子。金石難敵。人命靡常。吉凶異制。此驪之人。孰先隕越。何寤夫子。果乃先逝。又論死生。存亡數度。子猶懷疑。求之明據。儻獨有靈。游魂泰素。我將假翼。飄飄高舉。超登景雲。要子大路。喪極旣臻。將反魏京。靈輻迴軌。白驥悲鳴。虛廓無見。藏景蔽形。孰云仲宣。不聞其聲。延首歎息。雨泣交頸。嗟乎夫子。永安幽冥。人誰不沒。達上狗名。生榮死哀。亦孔之榮。嗚呼哀哉。

揚荊州誄并序

潘岳

維咸寧元年夏四月乙丑。晉故折衝將軍荊州刺史東武戴侯榮陽楊使君薨。嗚呼哀哉。夫天子建國。諸侯立家。選賢與能。政是以和。周賴尚父。殷憑太阿。矯矯楊侯。首之爪牙。忠節

克明茂績惟嘉將宏王畧肅清荒遐降年不永玄首未華徇
恨沒世命也奈何嗚呼哀哉自古在昔有生必死身沒名垂
先哲所趨行以號彰德以述美敢託旒旗爰作斯誄其辭曰
邈矣遠祖系自有周昭穆繁昌枝庶分流族始伯喬氏出楊
侯奕世丕顯允迪大猷天厭漢德龍戰未分伊君祖考方事
之殷鳥則擇木臣亦簡君投心外朝策名委身奮躍淵塗跨
騰風雲或統驍騎或據領軍篤生戴侯茂德繼期纂戎洪緒
克構堂基弱冠味道無競惟時孝實蒸蒸友亦怡怡多才豐
藝囑記洽聞日盼毫末心算無垠草隸兼善尺牘必珍足不
輟行手不釋文翰動若飛紙落如雲學優則仕乃從王政散
璞發輝臨輒作令化行邑里惠洽百姓越登司官肅我朝命

惟此人選國之憲章君泄其任視民如傷庶獄明慎刑辟端
詳聽參臯呂稱侔于張改授農政于彼野王倉盈庾億國富
兵彊煌煌文后鴻漸晉室君以兼資參戎作弼用錫上宇膺
茲顯秩青社白茅亦朱其紱魏氏順天聖皇受終烈烈楊侯
實統禁戎司管閭闔清我帝宮苛慝不作穆如和風謂督勳
勞班命爛崇茫茫海岱玄化未周滔滔江漢疆場分流秉文
兼武時惟楊侯既守東莞乃牧荊州折衝萬里對揚王休聞
善若驚疾惡如讐示威示德以伐以柔吳夷凶侈僞師畏逼
將乘讐釁席卷南極繼襄糧盡神謀不忒君子之過引曲惟
直如彼日月有時則食負執其咎功讓其力亦旣旋旆爲法
受黜退守丘壑杜門不出游目典墳縱心儒術祗祗皆紳升

堂入室靡事不咨無疑不質位貶道行身窮志逸弗慮弗圖
乃寢乃疾昊天不弔景命其卒嗚呼哀哉子囊佐楚遺言賊
郢史魚諫衛以尸顯政伊君臨終不忘忠敬寢伏牀蓐念在
朝廷朝達厥辭夕隕其命聖王嗟悼寵贈衾綈誄德策勲考
終定謚羣辟慟懷邦族揮淚孤嗣在疚寮屬含悼赴者同哀
路人增欷嗚呼哀哉余以頑蔽覆露重陰仰追先考執友之
心俯感知已識達之深承諱切怛涕淚霑襟豈忘載奔憂病
是沈在疾不省於亡不臨舉聲增慟哀有餘音嗚呼哀哉

楊仲武誄 并序

潘岳

楊經字仲武。滎陽宛陵人也。中領軍肅侯之曾孫。荊州刺史
戴侯之孫。東武康侯之子也。八歲喪父。其母鄭氏。光祿勳密

陵成侯之元女。陳行其高。而養幼孤。以保又夫家。而免諸艱。
難。戴侯康侯多所論著。又善草隸之藝。子以妙年之秀。固能
綜覽義旨。而軌式模範矣。雖舅氏隆盛。而孤貧守約。心安幽
巷。體服菲薄。余甚奇之。若乃清才儁茂。盛德日新。吾見其進
未見其已也。既籍三葉世親之恩。而子之姑。余之仇。儻焉往
歲。卒於德宮。甲喪服周次。綢繆累月。苟人必有心。此亦款誠
之至也。不幸短命。春秋二十九。元康九年夏五月己亥卒。嗚
呼哀哉。乃作誄曰。

伊子之先。奕葉熙隆。惟祖惟曾。載揚休風。顯考康侯。無祿早
終。名器雖光。勲業未融。篤生吾子。誕茂淑姿。克岐克嶷。知章
知微。鉤深探賾。味道研幾。匪直也人。邦家之輝。子之遺閔。曾

未齒髻如彼危根當此衝。德之休明靡幽不喬。弱冠流芳。僑聲清劬。爾身惟榮。爾宗惟粹。匆秉殊操。違豐安置。撰錄先訓。俾無隕墜。舊文新藝。罔不必肄。潘楊之穆。有自來矣。矧乃今日。慎終如始。爾休爾戚。如實在已。視予猶父。不得猶子。敬亦既篤。愛亦既深。雖殊其年。實同厥心。日昃景西。望子朝陰。如何短折。折背世湮。沈嗚呼哀哉。寢疾彌留。守茲孝友。臨命忘身。顧戀慈母。哀哀慈母。痛心疾首。嗷嗷同生。悽悽諸舅。春蘭擢華。方茂其華。荆寶挺璞。將剖于和。含芳委耀。毀壁摧柯。嗚呼仲武。痛哉奈何。德宮之艱。同次外寢。惟我與爾。對筵接枕。自時迄今。曾未盈稔。姑姪繼隕。何痛斯甚。嗚呼哀哉。披帙散書。屢觀遺文。有造有寫。或草或真。執玩周復。想見其人。紙勞

夏侯常侍誄

潘岳

于于涕霑。于山龜筮。既襲誕隧。既開痛矣。揚子與世長乖。朝濟洛川。夕次山隈。歸鳥頽頽。行雲徘徊。臨穴永訣。撫櫬盡哀。遺形莫紹。增慟余懷。魂兮往矣。梁木實摧。嗚呼哀哉。

夏侯湛字孝若。譙國譙人也。少知名。弱冠辟太尉府掾。賢良方正。徵爲太子舍人。尚書郎。野王令。中書郎。南陽相。家艱。乞還。頃之。選爲太子僕。未就命而世祖崩。天子以爲散騎常侍。從班列也。春秋四十有九。元康元年夏五月壬辰。寢疾卒于延喜里第。嗚呼哀哉。乃作誄曰。

副錫玄珪。實曰文命。克明克聖。光啓夏政。其在于漢。邁勳惟嬰。思弘儒業。小大雙名。顯祖曜德。牧兗及荆。父守淮岱。治亦

有聲英英夫子灼灼其雋。飛辯摘藻華繁土振如彼。隋和發
彩流潤如彼。錦纈列素黠絢人見其表莫測其裏。徒謂吾生
文勝則史心照神交。唯我與子。且歷少長逮觀終始。子之承
親孝齊閔參子之友愉和如瑟琴事君直道與朋信心雖實
唱高猶賞爾音。弱冠厲翼羽儀初升。公弓旣招皇輿乃微內
贊兩宮外宰黎蒸忠節允著清風載興。決彼樂都寵子惟王
設官建輔妙簡邦良。用取喉舌相爾南陽。惠訓不倦視人如
傷乃眷北顧辭祿延喜余亦偃息無事。明時疇昔之游一紀
于茲斑白攜手何歡如之。居吾語女衆實勝寡人。惡儁異俗
疵文雅執戟疲揚。長沙投賈無謂爾高恥居物下子乃泯然
變色易容慨然歎曰。道固不同爲仁由已。匪我求蒙誰毀誰

譽何夫何從莫混匪繼莫磨匪磷子獨正色居屈志申雖不
爾以猶致其身。獻替盡規。如茲一人。讜言忠謀。世祖是嘉。將
僕儲皇奉轡承華。先朝末命。聖列顯加入侍。帝闈出光。厥家
我聞積善神降之吉。宜享遐紀。長保天秩。如何斯人而有斯
疾。曾未知命。中年隕卒。嗚呼哀哉。惟爾之存。匪爵而貴。甘食
美服。重珍兼味。臨終遺誓。永錫爾類。欽以時襲。殯不簡器。誰
能拔俗。生盡其養。孰是養生而薄其葬。淵哉若人。縱心條暢。
傑操明達。困而彌亮。亮極格旣。祖容體長歸。存亡永訣。逝者不
追。望子舊車。覽爾遺衣。悃抑失聲。迸涕交揮。非子爲慟。吾慟
爲誰。嗚呼哀哉。日往月來。暑退寒襲。零露霑凝。勁風淒急。慘
爾其傷。念我良執。適子素館。撫孤相泣。前思未弭。後感仍集。

積悲滿懷逝矣安及嗚呼哀哉

馬汧督誄并序

潘岳

惟元康七年秋九月十五日。晉故督守關中侯扶風馬君卒。嗚呼哀哉。初雍部之內屬。羗反未弭。而編戶之氏。又肆逆焉。雖王旅致討。終於殄滅。而蜂蠆有毒。驟失小利。俾百姓流亡。顛於塗炭。建威喪元。於好時。州伯宵遯。乎大谿。若夫偏師裨將之隕首。覆軍者。蓋以十數。剖符專城。紆青拖墨之司。奔走失其守者。相望於境。秦隴之僭。鞏更爲魁。旣已襲汧。而館其縣子。以眇爾之身。介乎重圍之裏。率寡弱之衆。據十雉之城。羣氏如蝟毛而起。四面雨射城中。城中鑿穴而處。負戶而汲。木石將盡。樵蘇乏竭。芻蕘罄絕。於是乎發梁棟而用之。芻以

鐵鎖機關。旣縱禍而又升。焉爨陳焦之麥。栝栢之松。用能薪芻不價。人畜取給。青煙傍起。歷馬長鳴。凶虜駭而疑懼。乃闕地而攻。子命穴浚。塹真壺。鋪瓶劍以偵之。將穿城響。作以焚。積火薰之。潛氏殲焉。久之安西之救至。竟免虎口之厄。全數百萬石之積。文契書於幕府。聖朝疇咨。進以顯秩。殊以幢蓋之制。而州之有司。乃以私隸數口。穀數十斛。考訊吏兵。以覆楚之辭。連之大將軍。屢抗其疏。曰。敦固守孤城。獨當羣寇。以少禦衆。載離寒暑。臨危奮節。保穀全城。而雍州從事。忌敦勲效。推極小疵。非所以褒獎元功。宜解敦禁劾。假授詔書。遽許而子固已下獄。發憤而卒也。朝廷聞而傷之。策書曰。皇帝咨故督守關中侯馬敦。忠勇果毅。率勵有方。固守孤城。危逼

獲濟寵秩未加不幸喪亡朕用悼焉今追贈牙門將軍印綬
祠以少牢魂而有靈嘉茲寵祭然繫士之間殲其庸致思乎
若乃下吏之肆其噤害則皆妬之徒也嗟乎妬之敗善抑亦
賢首之讐也語曰或戒其子慎無爲善言固可以若是悲夫
昔乘丘之戰縣貞父御魯莊公馬驚敗績貞父曰他日未嘗
敗績而今敗績是無勇也遂死之國人浴馬有流矢在白肉
公曰非其罪也乃誅之漢明帝時有司馬叔持者白日於都
市手劍父讐視死如歸亦命史臣班固而爲之誄然則忠孝
義烈之流慷慨非命而死者綴辭之士未之或遺也天子旣
已策而贈之微臣託乎舊史之末敢闕其文哉乃作誄曰知
人未易人未易知嗟茲馬生位未名卑西戎猶復乃奮其奇

保此汧城救我邊危彼邊奚危城小粟富子以眇身而裁其
守兵無加衛墉不增築焚焚羣狄豺虎競逐輩更恣睢潛時
官寺齊萬虓闕震驚台司聲勢沸騰種落殞熾旌旗電舒戈
矛林植彤珠星流飛矢雨集惴惴士女號天以泣爨麥而炊
負戶以汲累卵之危倒懸之急馬生爰發在險彌亨精貫白
日猛烈秋霜稜威可厲懦夫克壯霽恩撫循寒士挾纊蠶蠶
犬羊阻衆陵寡潛隧密攻九地之下慄慄窮城氣皆無假昔
命懸天今也惟馬惟此馬生才博智瞻偵以瓶壺可以長漣
鋪未見鋒火以起烟薰尸滿窟指穴以飲木石匱竭其裨空
虛矚然馬生傲若有餘刃梁爲礮柝松爲鬬守不乏械擬有
鳴駒哀哀建威身伏斧質悠悠烈將覆軍喪器戎釋我徒顯

誅我師以生易死。噯克不一聖朝西顧。關右震惶。分我汧。庾化爲寇糧。實賴夫子思暮。彌長威使。有勇致命。知方我雖未學。聞之前典。十世宥能表墓。旌善思人。愛樹甘棠。勿剪刈。乃吾子功深。疑淺。兩造未具儲謀。蓋豈就是。勲庸而不獲免。猶哉部司其心。反側斷善。害能醜正。惡直牧人。逶迤自公。退食聞穢。鷹揚曾不戢翼。忘爾大勞。猜爾小利。苟莫開懷。下何不至。慨慨馬生。碩碩高致。發憤罔固。沒而猶眠。嗚呼哀哉。安平出奇破齊克。完張孟運籌危。趙獲安汧人賴。子猶彼談。單如何吝嫉。搖之筆端。傾倉可賞。矧云私粟。狄隸可頌。况曰家僕。別于雙龜。貫以三木。功存汧城。身死汧獄。凡爾同圍。心焉摧割。扶老攜幼。街號巷哭。嗚呼哀哉。明明天子。旌以殊恩。光光呼哀哉。

陽給事誄并序

顏延之

惟永初三年十一月十一日。宋故寧遠司馬濮陽太守彭城陽君卒。嗚呼哀哉。瓊少稟志節。資性忠果。奉上以誠。率下有方。朝嘉其能。故授以邊事。永初之末。佐守滑臺。值國禍薦臻。王略中否。獯虜間。釁劇剝。司寇幽并。騎弩屯逼。鞏洛列營。綠戍相望。屠潰瓊奮其猛銳。志不違難。立乎將率之間。以緝華裔之衆。罷困相保。堅守四旬。上下力屈。受陷。勅寇士師奔擾。棄軍爭免。而瓊誓命沈城。佻身飛鏃。兵盡器竭。斃于旗下。非夫貞壯之氣。勇烈之志。豈能臨敵引義。以死狗節者哉。景平

之元。朝廷聞而傷之。有詔曰。故寧遠司馬濮陽太守陽瓚滑
臺之逼。厲城固守。投命狗節。在危無撓。古之烈士。無以加之。
可贈給事中。振卹遺孤。以慰存亡。追寵既彰。人知慕節。河汴
之間。有義風矣。逮元嘉廓祚。聖神紀物。光照茂緒。旌錄舊勲。
苟有集於貞孝者。實事感於仁明。末臣蒙固側聞。至訓敢詢。
諸前典。而爲之誄。其辭曰。

貞不常祐。義有必甄。處父勤君。怨在登賢。苦夷致果。題子行
間。忠壯之烈。宜自爾先。舊勲雖廢。邑氏遂傳。惟邑及氏。自溫
徂陽。狐續既降。晉族弗昌。之子之生。立績宋皇。拳猛沈毅。溫
敏肅良。如彼竹柏。負雪懷霜。如彼駢駟。配服驂衡。邊兵喪律。
王略未恢。由陝堙阻。瀍洛蒿萊。朔馬東驚。胡風南埃。路無歸

轡。野有委骸。帝圖斯艱。簡兵授才。寔命陽子。佐師危臺。懷彼
危臺。在滑之則。周衛是交。鄭翟是爭。昔惟華國。今實邊亭。悲
嗽結關。負河縈城。金柝夜擊。和門晝扃。料敵厭難。時惟陽生。
涼冬氣勁。塞外草衰。邊矣獯虜。乘障犯威。鳴驥橫厲。霜銷高
輦。軼我河懸。俘我洛畿。攢鋒成林。投鞬爲圍。翳翳窮畢。嗷嗷
羣悲。師老變形。地孤援闕。卒無半菽。馬實拊秣。守木焚衝。攻
已濡褐。烈烈陽子。在困彌達。勉慰痍傷。捐巡饑渴。力雖可窮。
氣不可奪。義立邊疆。身終鋒楛。嗚呼哀哉。賁父隕節。魯人是
志。汧督效貞。管策攸記。皇上嘉悼。思存寵異。予以贈之。言登
給事。疏留紀庸。恤孤表嗣。嗟爾義士。沒有餘喜。嗚呼哀哉。

陶徵士誄并序

顏延之

夫璿玉致美不爲池隍之寶。桂椒信芳而非園林之實。豈期深而好遠哉。蓋云殊性而已。故無足而至者。物之藉也。隨踵而立者。人之薄也。若乃巢高之抗行。夷皓之峻節。故已父老堯禹。錙銖周漢。而綿世浸遠。光靈不屬。至使菁華隱沒。芳流歇絕。不其惜乎。雖今之作者。人自爲量。而首路同塵。輟塗殊軌者多矣。豈所以昭末景。泛餘波。有旨徵士。尋陽陶淵明。南岳之幽居者也。弱不好弄。長實素心。學非稱師。文取指達。在衆不失其寡。處言逾見其默。少而貧病。居無僕妾。井臼弗任。藜藿不給。母老子幼。就養勤匱。遠惟田生。致親之議。追悟毛子捧檄之懷。初辭州府。命後爲彭澤令。道不偶物。棄官從好。遂乃解體世紛。結志區外。定跡深棲。於是乎遠灌畦。鬻蔬

爲供魚菽之祭。織絢緯蕭以充糧粒之費。心好異書。性樂酒德。簡棄煩促。就成省曠。殆所謂國爵屍貴。家人忘貧者歟。有詔徵著作郎。稱疾不到。春秋若干元嘉四年月日。卒于尋陽縣之某里。近誠悲悼。遠士傷情。冥默福應。嗚呼淑貞夫。實以誅華名由。謚高苟允。德義貴賤何算焉。若其寬樂令終之美。好廉克已之操。有合謚典。無愆前志。故詢諸友好。宜謚曰靖節徵士。其辭曰。

物尚特生。人固介立。豈伊時邁。曷云世及。嗟乎若士。望古遙集。韜此洪族。蔑彼名級。睦親之行。至自非敦。然諾之信。重於布言。廉深簡潔。貞夷粹溫。和而能峻。博而不繁。依世尚同。詭時則異。有一於此。兩非默置。豈若夫子。因心違事。畏榮好古。

薄身厚志世霸虛禮州壤推風孝惟義養道必懷邦人之秉
彝不隘不恭爵同下土祿等上農度量難鈞進退可限長卿
棄官雅賓自免子之悟之何悟之辨賦詩歸來高蹈獨善亦
既超曠無適非心汲流舊嶽葺宇家林晨煙暮靄春煦秋陰
陳書輟卷置酒絃琴居備勤儉躬兼貧病人否其憂子然其
命隱約就閑遷延辭聘非直也明是惟道性糾纏幹流冥漠
報施孰云與仁實疑明智謂天蓋高胡堡斯義履信曷憑思
順何寘年在中身疾維疢疾視死如歸臨凶若吉藥劑弗嘗
禱祀非恤係幽告終懷和長畢嗚呼哀哉敬述靖節式曾遺
占存不願豐沒無求贍省計却賻輕哀薄歛遭壞以穿旋葬
而窆嗚呼哀哉深心追往遠情逐化自爾介居及我多暇伊
好之洽接閭隣舍宵盤晝懋非舟非駕念昔宴私舉觴相誨
獨正者危至方則閱哲人卷舒布在前載取鑒不遠吾規子
佩爾實愀然中言而發違衆速尤迕風先蹙身才非實榮聲
有歇獻音永矣誰箴余闕嗚呼哀哉仁焉而終智焉而鑿黔
婁既沒展禽亦逝其在先生同塵徃世旌此靖節加彼康惠
嗚呼哀哉

宋孝武宣貴妃諫 并序

謝莊

惟大明六年夏四月壬子宣貴妃薨律谷罷煖龍鄉輟曉照
車去魏連城辭趙皇帝痛掖殿之既闋悼泉途之已宮巡步
擔而臨蕙路集重陽而望椒風嗚呼哀哉天寵方隆玉姬下
姻肅雍換景陟此爰臻國軫喪淑之傷家疑賈庶之怨敢撰

德於旂旒庶圖芳於鐘萬其辭曰

玄白煙熅瑤臺降芬高唐淅雨巫山鬱雲誕發蘭儀光啓玉
慶望月方娥瞻星比婺毓德素里樓景宸軒處麗締絡出懋
蘋藻修詩賁道稱圖照言翼訓妣幄贊軌堯門網繆史館容
與經闡陳風緝藻臨象分微游藝殫數撫律窮機躊躇冬愛
怙悵秋暉展如之華寔邦之媛敬歎顯陽肅恭崇憲奉榮維
約承慈以遜逮下延和臨朋違怨祚靈集祉慶藹迎祥皇簡
瞻式帝女金柑聯謝齊頡接萼均芳以藩以牧燭代揮梁視
朔書氣觀臺告侵入頌局和六所駭滲衡總滅容輦翟毀社
掩綠瑤光收華紫禁嗚呼哀哉惟軒夕改駟輅晨遷離宮天
蓬別殿雲懸靈衣虛翼組帳空煙巾見餘軸匣有遺絃嗚呼

哀哉移氣朔兮變羅紈白露凝兮歲將闌庭樹驚兮中帷響
金鉉暖兮玉座寒純孝擗其俱毀其氣摧其同樂仰昊天
莫報怨凱風之徒攀茫昧與善寂寥餘慶喪過王哀棟實滅
性世覆冲華國虛淵令嗚呼哀哉題湊既肅龜筮既辰階撤
兩奠庭引雙輜維慕維愛曰子曰身儻皇情於容物崩列碑
於土爰崇徽章而出寰甸照殊策而去城闕嗚呼哀哉經建
春而右轉循閭闔而逕渡旌委鬱於飛飛龍透遲於步步銷
楚挽於槐風喝邊簫於松霧涉姑繇而環迴望樂池而顧慕
嗚呼哀哉晨輶解鳳曉蓋俄金山庭寢日隧路抽陰重局闕
兮燈已黯中泉寂兮此夜深銷神躬于壤未散靈臆於天澤
響乘氣兮蘭馭風德有遠兮聲無窮嗚呼哀哉

哀永逝文

潘岳

啓夕兮宵興悲絕緒兮莫承俄龍輻兮門側嗟俟時兮將升
 嫂姪兮悼惶慈姑兮垂矜聞鳴雞兮戒朝咸驚號兮無膺逝
 日長兮生年淺愛患衆兮歡樂渺彼延思兮離居歎河廣兮
 宋遠今奈何兮舉邈終天兮不及盡余哀兮祖之晨揚明
 燎兮援靈輜撤房帷兮席庭筵舉酌觴兮告永遷悽切兮增
 歎俯仰兮揮淚想孤魂兮眷舊宇視倏忽兮若髮鬢徒髮鬢
 兮在慮靡耳目兮一遇停駕兮淹留徘徊兮故處周求兮何
 獲引身兮當去去華輦兮初邁馬廻首兮旋旆風冷冷兮人
 帷雲霏霏兮承蓋鳥俛翼兮忘林魚仰沫兮失瀨悵悵兮遲

遲遲兮路兮凶歸思其人兮已滅覽餘跡兮未夷昔同途兮
 今異世憶舊歡兮增新悲謂原隰兮無畔謂川流兮無岸望
 山兮寥廓臨水兮滄汗視天日兮蒼茫面邑里兮蕭散匪外
 物兮或收固歡哀兮情換嗟潛隧兮既敞將送形兮長往委
 蘭房兮奠靈筵奠彩泉兮朽壤中暮叶兮擗標之子降兮宅兆
 撫靈輓兮訣幽房棺實實兮地窈窕戶闔兮燈滅夜何時兮
 復曉歸反哭兮殯宮聲有止兮哀無終是乎非乎何進趣一
 遇兮日中既遇日兮無光曾寤寐兮弗夢既顧瞻兮家道長
 寄心兮爾躬重日已矣此蓋新哀之情然耳渠懷之其幾何
 庶無愧兮

宋文皇帝元皇后哀策文

并序

顏延之

惟元嘉十七年七月二十六日大行皇后崩于顯陽殿。粵九月二十七日將遷座于長寧陵禮也。龍輿纏紵容輦結駟皇塗昭列神路幽嚴。皇帝親臨祖饋躬瞻宵載飾遺儀於組旒。淪和音乎新州。茲黜筵之哀。和痛輦之重。晦降輿容位撤。莫殯階乃命史臣。累德述懷其辭曰。

倫昭儼升有物有憑圖精初燦方祇始凝昭哉世族祥發慶膺祕儀景胃圖光玉繩昌輝在陰柔明將進率禮蹈和稱詩納順爰自待年金聲夙振亦既有行素章增絢象服是加言親維則俾我王風始基嬪德惠問川流芳猷淵塞方江泳漢載謠南國伊昔不造鴻化中微用集寶命仰陟天機釋位公宮登曜紫闈欽若皇姑允迪前徽孝達寧親敬行宗祀進思

才淑傍綜圖史發音在詠動容成紀壹政穆官房象昭理坤則順成星軒潤飾德之所屆惟深必測卜節震騰上清眺側有來斯雍無思不極謂道輔仁可化莫聯象物方臻賦履告診太和既融收華委世蘭殿長陰椒塗弛備嗚呼哀哉戒涼在肆杪秋卽變霜夜流唱曉月升魄入神警引五輅遷跡噉噉儲嗣哀哀列辟灑零玉墀雨泗丹掖撫存悼亡感今懷昔嗚呼哀哉南背國門北首山園僕人接節服馬顧轍遙酸紫蓋眇泣素軒滅綵清都夷體壽原邑野淪藹戎夏悲謹來芳可述往駕弗援嗚呼哀哉

齊敬皇后哀策文 并序

謝朓

惟永泰元年秋九月朔日敬皇后梓宮啓自先塋將祔于基

陵其日至尊親奉奠其皇帝乃使兼太尉某設祖於行宮禮也翠帟舒臯玄堂啓扉俎撤三獻筵卷六衣哀于嗣皇帝懷履衛而延首想鸞輅而撫心痛椒塗之先廓哀長信之莫臨身隔兩赴時無一展旋詔左言光敷聖善其辭曰

帝唐遠眇御龍遙緒在秦作劉在漢開楚肇惟淑聖克未克令清漢表靈曾沙膺慶爰定厥祥徽音允穆光華沼沚榮耀中谷敬始紘緼教先種種睿問川流神襟蘭郁先德韜光君道方被于佐求賢所謁無諛顧史弘式陳詩展義厚下曰仁藏社伊智十亂斯俟四教罔忒思媚諸姑貽我嬪則化自公宮遠被南國軒輶懷光素舒佇德閔予不祐慈訓早違方年冲藐懷袖靡依家臻寶業身嗣具暉壽宮寂遠清廟虛歸嗚

呼哀哉帝遷明命民神胥悅乾景外臨陰儀內缺空悲故劍徒嗟金穴璋瓚奚獻禕禱禱附設嗚呼哀哉馮相告祲宸駕長往貽厥遠圖未命是獎懷豐沛之綢繆兮背神京之弘敞陋蒼梧之不從兮遵鮒隅以同壤嗚呼哀哉陳象設於園寢兮映興鏡於松楸望承明而不入兮度清洛而南游繼池綽於通軌兮接龍帷於造舟起塘寂其已暮兮東川澹而不流嗚呼哀哉籍闕宮之遠烈兮聞續女之遐慶始協德於蘋蘩兮終配祀而表命慕方纒於賜衣兮哀日隆於撫鏡思寒泉之罔極兮託彤管於遺詠嗚呼哀哉

先生諱泰字林宗人原界休人也其先出自有周王季之穆
有號叔者寔有懿德文王各焉建國命氏或謂之鄭卽其後
也先生誕應天衷聰睿明哲孝友溫恭仁篤慈惠夫其器量
弘深姿度廣大浩浩焉汪汪焉奧乎不可測也若乃砥節厲
行直道正辭貞固足以幹事隱括足以矯時遂考覽六經探
綜圖緯周流華夏隨集帝學收文武之將墜拯微言之未絕
于時纓綬之徒紳珮之士望形表而影附聆嘉聲而響和者
猶百川之歸巨海鱗介之宗龜龍也爾乃潛隱衡門收朋勸
誨童蒙賴焉用祚其蔽州郡聞德虛已備禮莫之能致羣公
休之遂辟司徒掾又舉有道皆以疾辭將蹈鴻涯之遐跡紹
巢許之絕軌翔區外以舒翼超天衢以高峙稟命不融享年

四十有以建寧二年正月乙亥卒凡我四方同好之人永
懷哀悼靡所實念乃相與惟先生之德以謀不朽之事僉以
爲先民既沒而德音猶存者亦覩之於見述也今其如何而
闕斯禮於是樹碑表墓昭銘景行俾芳烈奮于百世今聞顯
於無窮其辭曰於休先生明德與玄純懿淑靈受之自天崇
壯幽浚如山如淵禮樂是悅詩書是敦匪惟撫華乃尋厥根
宮牆重仞允得其門懿乎其純確乎其操洋洋楨紳言觀其
高棲運泌丘善誘能教赫赫二事幾行其招委辭召貞保此
清妙降年不永民斯悲悼爰勒茲銘摘其光曜嗟爾來世是
則是效

先生諱寔字仲弓潁川許人也。今元精之和應期運之數兼資九德總脩自行於鄉黨則恂恂焉彬彬焉善誘善導仁而愛人使夫少長咸安懷之其爲道也用行各藏進退可度不微訐以干時不遷怒以臨下四爲郡功曹五辟豫州六辟二府再辟大將軍宰開喜牛歲太丘一年德務中庸敦敦不肅政以禮成化行有論會遭黨事禁錮二十年樂天知命澹然自逸交不訕上愛不瀆下見機而作不俟終日及文書赦宥時年已七十遂隱丘山懸車告老四門備禮閉心靜居大將軍何司徒袁公前後招辟使人曉喻云欲特表便可入踐常伯超補三事糾佩金紫光國垂勳先生曰絕望已久飾巾待期而已皆遂不至弘農楊公東海陳公每在喪職羣寮賀

之皆舉手曰潁川郡陳君絕世超倫大位未躋慙於文仲竊位之負故時人高其德重乎公相之位也年八十有三中平三年八月丙午遭疾而終臨沒顧命畱葬所卒時服素棺槨財周觀喪事唯約用過乎儉羣公百寮莫不咨嗟巖藪知名失聲揮涕大將軍弔祠錫以嘉謚曰徵士陳君稟岳瀆之精苞靈曜之純天不憇遺老僕屏我王梁崩哲萎于時靡憲捐紳儒林論德謀跡謚曰文範先生傳曰郁郁乎文哉書曰洪範九疇彝倫攸敘文爲德表範爲士則存誨沒號不亦宜乎三公遣令史祭以中牢刺史敬弔太守南陽曹府君命官作誄曰赫矣陳君命世是生含光醇德爲士作程資始旣正守終又令奉禮終沒休矣清聲遺官屬掾吏前後赴會刊石作

銘府丞與比縣會葬。荀慈、明、韓元長等五百餘人，總麻設位，哀以送之。遠近會葬，千人已上。河南尹、种府君臨郡，追歎功德，述錄高行，以爲遠近鮮能及之。重部大掾以成時銘，斯可謂存榮沒哀，死而不朽者。乃作銘曰：峩峩崇嶽，吐符降神。於皇先生，抱寶懷珍。如何昊穹，旣喪斯文。微言比絕，來者曷聞。交交黃鳥，爰集于棘。命不可贖，哀何有極。

褚淵碑文 并序

王儉

夫太上有立德，其次有立功，此之謂不朽。所以子產云：「宣尼泣其遺愛，隨武旣沒，趙文懷其餘風。」於文簡公見之矣。公諱淵，字彥回，河南陽翟人也。微子以至仁，開基宋段以功高。命氏爰逮兩漢，儒雅繼及。魏晉以降，奕世重暉。乃祖太傅元

穆公，德合當時，行比州壤。溪識臧否，不以毀譽形言。亮采王室，每懷冲虛之道，可謂婉而成章，志而晦者矣。自茲厥後，無替前規。建官惟賢，軒冕相襲。公稟川嶽之靈，暉合珪璋而挺曜。和順內凝，英華外發。神茂初學，業隆弱冠。是以仁經義緯，敦穆於閨庭，金聲玉振，寥亮於區宇。孝敬淳深，率由斯至。盡歡朝夕，人無間言。迢迢乎文雅之圃，翱翔乎禮樂之場。風儀與秋月齊明，音徽與春雲等潤。韻宇弘深，喜慍莫見。其際心明，通亮用人，言必猶於已，汪汪焉洋洋焉，可謂澄之不清，撓之不濁。袁陽源才氣高奇，綜覈精裁。宋文帝端明臨朝，鑒賞無昧。袁悅延譽於遐邇，文亦定婚於皇家。選尚餘姚公主，拜驎馬者尉。漢結叔高晉姻，武子方斯蔑如也。釋褐著作佐郎。

轉太子舍人。濯纓登朝。冠冕當世。升降兩宮。實惟時寶。具瞻之範。既著台衡之望。斯集出參。太宰軍事。入爲太子洗馬。俄遷祕書丞。贊道槐庭。司文天閣。光昭諸侯。風流籍甚。以父憂去職。喪過乎哀。幾將毀滅。有識留感。行路傷情。服闋除中書侍郎。王言如絲。其出如綸。恪居官次。智效惟穆。于時新安王寵冠列蕃。越敷邦教。毗佐之選。妙盡國華。出爲司徒右長史。轉尚書吏部郎。執銓以平。御煩以簡。裴楷清通。王戎簡要。復存於茲。泰始之初。入爲侍中。曾不移朔。遷吏部尚書。是時天步初夷。主途尚阻。元戎啓行。衣冠未緝。內贊謀謨。外康流品。制勝既遠。涇渭斯明。賞不失勞。舉無失德。績簡帝心。聲敷物聽。事寧領太子右衛率。固讓不拜。尋領驍騎將軍。以帷幄之

功。膺庸祇之秩。封等郡縣。開國伯。食邑五百戶。既秉辭梁之分。又懷寢丘之志。所受田邑。不盈百井。父之重爲侍中。領右衛將軍。盡規獻替。均山甫之庸。緝熙王旅。兼方叔之望。丹陽京輔。遠近攸則。吳興襟帶。實惟股肱。頻作一守。並加蟬冕。政以禮成。民是以息。明皇不豫。儲后幼冲。貶厥之寄。允屬時望。徵爲吏部尚書。領衛尉。固讓不拜。改授尚書右僕射。端流平衡。外寬內直。弘二八之高。暮宣由庚。而垂詠。太宗卽世。遺命以公爲散騎常侍。中書令。護軍將軍。送往事。居忠貞允亮。秉國之均。四方是維。百官象物。而動軍政。不戒而備。公之登泰階。而尹天下。君子以爲美談。亦猶孟軻致欣於樂。正羊職悅賞於上伯者也。丁所生母。憂謝職。毀疾之重。因心則至。朝議

以有爲爲之魯侯垂式存公忘私方進明准爰降詔書敦還攝任固請移歲表奏相享事不我與屈已弘化屬值二季在辰感藩內侮桂陽失圖窺窬神器鼓棹則滄波振蕩建旗則日月蔽虧出江派而風翔入京師而雷動鳴控絃於宗稷流鋒鏃於象魏雖英宰臨戎元果時殄而餘黨寔繁宮廟憂逼公乃總熊羆之士率不貳心之臣戮力盡規克寧禍亂康國祚於綴流拯王維於已墜誠由太祖之威風抑亦仁公之翼佐可謂德刑詳禮義信戰之器也以靜難之功進爵爲侯兼授尚書令中軍將軍給班劔二十人功成弗有固秉撝也改授侍中中書監護軍如故又以居母艱去官雖事緣義感而情均天屬頌丁之合禮二連之善喪亦曷以踰天厭宋德水

運告謝嗣主荒怠於天位疆臣憑陵於荆楚廢昏繼統之功寵亂寧民之德公實仰贊宏規參聞神算雖無受版出車之庸亦有甘寢秉羽之績乃作司空山川攸序兼授衛軍戊政輯睦旣而齊德龍興順皇高禪浚達先天之運匡贊奉時之業弼諧允止徽猷弘遠樹之風聲著之話言亦猶稷契之臣虞夏荀裴之奉魏晉自非坦懷至公永監崇替孰能光輔五君黃亮二代者哉大啓南康爰登中鉉時膺十字固辭邦教今之尚書令古之冢宰雖秩輕於袞司而任隆於百辟楚遂冲旨改授朝端邇無異言遠無異望帝嘉茂庸重申前同執五禮以正民簡八刑而罕用故能聘績康衢延慈哲后義在資敬情同布衣出陪鑿躅入奉帷殿仰南風之高詠餐東野

之祕寶。雅議於聽政之晨。披文於宴私之夕。參以酒德。間以琴心。暖有餘暉。遙然畱想。君垂冬日之溫。臣盡秋霜之戒。肅焉穆焉。於是見君親之同致。知在三之如一。太祖升遐。綢繆遺寄。以侍中司徒錄尚書事。稟玉几之顧。奉綬衣之禮。擇皇齊之令典。致聲化於雍熙。內平外成。實昭舊職。增給班劔三十人。物有其容。徽章斯允。位尊而禮卑。居高而思降。自夏徂秋。以疾陳退。朝廷重違謙光之旨。用申超世之尚。改授司空領驃騎大將軍侍中錄尚書如故。景命不永。大漸彌留。建元四年八月二十一日。薨於私第。春秋四十有八。昔柳莊疾棘衛君。當祭而輟禮。晏嬰既往。齊君趨車而行。哭公之云。亡聖朝震悼於上。羣后恆慟於下。豈惟哀纏一國。痛深一主。

而已哉。追贈太宰侍中錄尚書如故。給節羽葆鼓吹。班劔爲六行人。謚曰文簡。禮也。夫乘德而處萬物。不能害其貞。虛已以游當世。不能擾其度。均貴賤於條風。忘榮辱於彼我。然後可兼善天下。聊以卒歲。經始圖終。武免祇悔。誰云克備公實有焉。是以義結君子。惠霑庶類。言象所未。形述詠所不盡。故吏某甲等。感逝川之無捨。哀清暉之眇默。餐典誦於丘里。瞻雅詠於京國。思循鼎之垂文。想晉鐘之遺則。方高山而仰止。刊玄石以表德。其辭曰。

辰精感運。昴靈發祥。元首惟明。股肱惟良。天鑑璿曜。踵武前王。欽若元輔。體微知章。永言必孝。因心則友。仁洽兼濟。愛潑善誘。觀海齊量。登嶽均厚。五臣茲八。八元斯九。丙暮帷幄。外

曜台階遠無不肅。邈無不懷。如風之偃。如樂之諧。光我帝典。緝彼民黎。率禮蹈謙。諒實身幹。跡屈朱軒。志隆衡館。眇眇玄宗。萋萋辭翰。義既川流。文亦霧散。高構云積。梁陰載缺。德猷靡嗣。儀形長遞。招悵餘微。鏘洋遺烈。久而彌新。用而不竭。

頭陀寺碑文

王巾

蓋聞挹朝夕之池者。無以測其淺深。仰蒼蒼之色者。不足知其遠近。况視聽之外。若有若亡。心行之表。不生不滅者哉。是以掩室摩竭。用啓息言之津。杜口毗邪。以通得意之路。然語寡倫者。必求宗於九疇。談陰陽者。亦研幾於六位。是故三才既辨。識妙物之功。萬象已陳。悟太極之致。言之不可以已。其在茲乎。然爰繫所繫。窮於此域。則稱謂所絕。形乎彼岸矣。彼

岸者。引之於有。則高謝四流。推之於無。則俯弘六度。名言不。得其性。相隨迎。不見其終始。不可以學地。知不可以意生。及其涅槃之蘊也。夫幽谷無私有。至斯響洪。鐘虛受。無來不應。況法身圓對。規矩冥立。一音稱物。宮商潛運。是以如來利見。迦維託生。王室憇。五衍之軼。拯溺逝川。開八正之門。大庇交。喪於是。玄關幽鍵。感而遂通。遙源濬波。酌而不竭。行不捨之。檀而施。洽羣有。唱無緣之慈。而澤周萬物。演勿照之明。而鑒窮沙界。導亡機之權。而功濟塵劫。時義遠矣。能事畢矣。然後拂衣雙樹。脫屣金沙。惟恍惟惚。不嚙不昧。莫繫於去來。復歸於無物。因斯而談。則棲遑大千。無爲之寂。不掩焚燎。堅林不盡之靈。無歇大矣哉。正法既沒。象教陵夷。穿鑿異端者。以違

方爲得一順非辯僞者比微言於目論於是馬鳴幽讚龍樹
虛求並振頑綱俱維絕紐法雲於真際則火宅長涼囉慧
目於康衢則重昏夜曉故能使三十七品有樽俎之師九十
六種無藩籬之固既而方廣東被教肄南移周魯一親親
夜景之鑿漢晉兩明並勒丹青之飾然後遺文間出列剎相
望滄什結轍於山西林遠肩隨乎江左矣頭陀寺者沙門釋
慧宗之所立也南則大川浩汗雲霞之所沃蕩北則層峰削
成日月之所迴薄西眺城邑百雉紆餘東望平臯千里超忽
信楚都之勝地也宗法師行繫瑤壁擁錫來游以爲宅生者
緣業空則緣廢存軀者惑理勝則惑亡遂欲捨百齡於中身
殉肌膚於猛鷲班荆蔭松者久之宋大明五年始立方丈茅

茨以庇經象後軍長史江夏內史會稽孔府君諱觀爲之始
草開林置經行之室安西將軍郢州刺史江安伯濟陽蔡使
君諱興宗復爲崇基表剎立禪誦之堂焉以法師景行大迦
葉故以頭陀爲稱首後有僧勤法師貞節苦心求仁養志纂
修堂宇未就而沒高軌難追藏舟易遠僧徒間其無人椽椽
毀而莫構可爲長太息矣惟齊繼五帝洪名紐二王絕業祖
武宗文之德昭升嚴配格天光表之功弘啓興復是以惟新
舊物康濟多難步中雅頌驟合韶護炎區九澤沙場一候粵
在於建武焉乃詔西中郎將郢州刺史江夏王觀政藩維樹
風江漢擇方城之令典酌龜蒙之故實政肅刑清於是乎在
寧遠將軍長史江夏內史行事彭城劉府君諱誼智刃所遊

日新月故道勝之韻。虛往實歸。以此寺業廢於已安。功墜於
幾立。慨深覆篲。悲同棄井。因百姓之有餘。聞天下之無事。屯
徒揆日。各有司存。於是民以悅來。工以心競。且丘被陵。因高
就遠。層軒延袤。上出雲霓。飛閣逶迤。下臨無地。夕露爲珠。網
朝霞爲丹。艷九衢之草千計。四照之花萬品。崖谷共清。風泉
相渙。金姿寶相。永藉閑安。息心了義。終焉游集。法師釋曇珍
業行淳修。理懷淵遠。今屈知事任。永奉神居。夫民勞事功。旣
鏤文於鐘鼎。言時稱代。亦樹碑於宗廟。世彌積而功官。身逾
遠而名紹。敢寓言於彫篆。庶髣髴乎衆妙。其辭曰。

質判玄黃。氣分清濁。法器千名。含靈萬族。淳源上派。澆風下
黷。愛流成海。情塵爲岳。皇矣能仁。撫期命世。乃瞻中土。聿來

迦循。奄有大千。遂荒三界。殷鑒四門。幽求六歲。亦旣成德。妙
盡無爲。帝獻方石。天開淥池。祥河輟水。寶樹低枝。通莊九折。
安步三危。川靜波澄。龍翔雲起。者山廣運。給園多士。金粟來
儀。文殊戾止。應乾動寂。順民終始。法本不然。今則無滅。象正
雖闌。希夷未缺。於昭有齊。式揚洪烈。釋網史維。玄津重樞。惟
此名區。禪慧攸託。倚據崇巖。臨眺通壑。清池湘漢。堆阜衡霍。
撫撫亭臯。幽幽林薄。媚茲邦后。法流是挹。氣茂三明。情超六
入。眷言靈宇。載懷興葺。丹刻羣飛。輪奐離立。象設旣闢。眸容
已安。桂深冬煖。松疎夏寒。神足游息。靈心往還。勝幡西振。貞
石南刊。

齊故安陸昭王碑文

沈約

公諱緬字景業南蘭陵人也稷契身佐唐虞有大功於大地
高賦文所以膺圖受籙蕭曹扶翼漢祖滅秦項以寧亂魏
氏時乘於前皇齊握符於後靈源與積石爭流神基與極天
少微相宜皇帝雄材盛烈名蓋當時考景皇帝含道居貞卷
懷前代公含辰象之秀德體河岳之上靈氣縈風雲身負日
月立行可模置言成範英華外發清明內昭大經地義之德
因心必盡簡久遠大之方率由斯至挹其源者游泳而莫測
懷其道者日用而不知昭昭若三辰之麗于天滔滔猶四瀆
之紀于地六幽允洽一德無爽萬物仰之而彌高千里不言
而斯應若夫彈冠出仕之日登庸蒞事之年軍麾命服之序
監督方部之數斯固國史之所詳今可得而畧也水德方衰

天命未改太祖龍躍俟時作鎮淮泗如仁夕惕之志中夜九
迴龕世拯亂之情獨用懷抱深圖密慮衆莫能窺公陪奉朝
夕從容左右蓋同王子洛濱之歲實惟辟疆內侍之年起
聖懷發言中直始以文學游梁俄而入掌綸誥蘭桂有芬清
暉自遠帝出于震日衣青光方軌茅社俟安陸受瑞抗堊
遂荒雲野武掌儲命帝難其人公以宗室羽儀允膺嘉選協
隆三善仰敷四德博望之施載暉龍樓之門以峻獻替帷展
實掌喉唇奉待漏之書銜如絲之旨前暉後光非止恒授公
以密戚上賢俄而奉職出納惟允劔璽增華伊昔帝唐九官
咸事熊豹臨鏡納言是司自此迄今其任無爽爰自近侍式
贊權衡而皇情眷眷慮深未獲姑蘇與壤任切關河都會殷

負提封白萬全。趙之袂服叢臺方。此爲劣臨淄之揮汗成雨。
曾何足稱。乃鴻鑄舊吳。作守東楚。弘義讓以勗君子。振平惠
以字小人。撫同上德。綏用中典。疑獄得情。而弗喜。宿訟兩讓。
而同歸。雖春申之大啓封疆。鄧攸之緝熙氓庶。不能尚也。夏
首潘要。任重推轂。衿帶中流。地殷江漢。南接衡坐。風雲之路。
千里西通。鄧都水陸之塗。三七是惟。形勝閩外。莫先建麾。作
牧明德。攸在乃暴。以秋陽威。以夏日澤。無不漸蝮蟻之穴。靡
遺。明無不察。容光之微。必照由近。而被遠。自己而及。物惠與
八風俱翔。德與七材並運。遠無不懷。邇無不肅。邑居不闕。夜
吠之犬。牧人不覩。晨飲之羊。譽表六條。功最萬里。還居近侍。
兼饗戎秩。候府寄隆。儲端任顯。東西兩晉。茲選特難。羊琇願

言而匪獲。謝琰功高而後至。升降二宮。令績斯俟。禁旅尊嚴。
玉器彌固。禹穴神臯。地埒分陝。江左以來。常遞斯任。東者距
海南。望秦稽淵。藪胥萃。崔蒲攸在。貨殖之民。千金比屋。郭壘
之內。雲屋萬家。刑政繁舛。舊難詳。南山羣盜。未足。多勦
海亂繩。方斯易理。公下車敷化。風動神行。誠恕既孚。鉤距靡
用。不待赭汗之權。而奸渠必翦。無假里端之籍。而惡子咸誅。
被以哀矜。孚以信順。南陽葦杖。未足比其仁。潁川時雨。無以
豐其澤。公攬轡升車。牧州典郡。感達民祗。非待期月。老安少
懷。塗歌里詠。莫不歡若。親戚芬若。椒蘭。麾旆每反。行慈道泣。
攀車臥轍之戀。爭塗忘遠去思。一借之情。愈久彌結。方城漢
池。南顧莫重。北指峭潼。平塗不過七百。西接曉武。關路曾不

盈千蠻陬夷徼重山萬里。小則俘民略畜。大則攻城剽邑。首
朱迄今。有切民患。烽鼓相望。歲時不息。推埋穿掘之黨。阡陌
成羣。傲法侮吏之人。曾莫禁禦。累藩咸受其弊。歷政所不能
裁。加以戎羯窺窬。伺我邊際。北風未起。馬首便以南向。塞草
未衰。嚴城於焉早閉。永明八載。疆場大駭。天子乃心北眷。聽
廟不怡。揚旆漢南。非公莫可。於是驅馬原隰。卷甲邁征。威令
首塗。仁風載路。軌躅清晏。車徒不擾。牛酒日至。壺漿塞道。失
義大羊。其來又矣。微賦嚴切。唯利是求。首鼠疆界。災蠹彌廣。
公扇以廉風。孚以誠德。盡在棠置水之情。弘郭伋待期之信。
金如粟而弗覩。馬如羊而靡入。雞雉必懷。豚魚不爽。由是傾
巢舉落。望德如歸。椎髻墜首。日拜門闕。卉服滿塗。夷歌成韻。

禮義既敷。威刑具舉。疆民獷俗。反志遷情。風塵不起。罔固寂
寞。富商野次。宿秉停苗。螻蝗弗起。豺虎遠跡。北狄懼威。關塞
謐靜。偵諜不敢。東窺駝馬。不敢南牧。方欲振策燕趙。席卷秦
代。陪龍駕於伊洛。侍紫蓋於咸陽。而遘疾彌留。歎為大漸。耕
夫釋耒。桑婦下機。參請門衢。並走羣孽。維永明九年夏五月
三十日辛酉。薨。春秋三十有七。城府颯然。庶僚如喪。男女老
幼。大臨街衢。接響傳聲。不踰時而達于四境。夷羣戍落。幽遠
必至。望城拊膺。震動郭邑。並求入奉靈輓。藩司抑而弗許。雖
鄧訓致勞。面之哀。羊公深罷市之慕。對而為言。遠有漸德。神
駕東還。號送踰境。奉觴奠以望靈。仰蒼大而自訴。震響成雷。
盈塗咽水。公臨危審正。載貽話言。楚囊之請。雖幾而彌固。衛

魚之心身亡而意結一宮軫慟遐邇同哀追贈侍中領衛將軍給艾次一部諡曰昭侯時皇上納麓在辰登庸伊始允副朝端兼掌屯衛聞凶哀震感絕移時因遣沈疴緜留氣序世祖日夜憂懷備盡寬譬勉膳禁哭中使相望上雖外順皇旨內殷私痛獨居不御酒肉坐臥泣涕露衣若此移年禮瘞改貌天倫之愛振古莫儔及俯膺天眷入纂絕業分命懿親台次並建對繁弱以流滄望曲阜而含悲改贈司徒因諡爲邵禮也惟公少而英明長而弘潤風標秀舉清暉映世學編書部特善玄言鑿悅之麗篆籀之則第六義於懷抱究八體於毫端亦思之微秋儲無以競巧取睽之妙流睇未足稱奇至公以奉上鳴謙以接下撫僚庶盡盛德之容交士林忘公

侯之貴虛懷博納幽關洞開宴語談笑情瀾不竭譽滿天下德冠生民蓋百代之儀表千年之領袖曾不憊留梁摧奄及豈唯僭終蹇謝興謠輟相而已哉凡我僚舊均哀其戚怨入德之無厚痛棠陰之不畱思所以克播遺塵敝之穹壤乃刊石圖徽寄情銘頌其辭曰

天命玄鳥降而生商是開金運祚始玉筐三仁去國五曜入房亦白其馬侯服周王本枝派別因菜命氏涉徐而東義均梁徙自茲以降懷青拖紫崇基巖巖長瀾瀾瀾惟聖造物龍飛天步載鼎載革有除有布高皇赫矣仰膺乾顧景皇蒸哉實啓洪祚喬嶽峻峙命世興賢應期誕德絕後光前幾以成務覺在民先位非大寶爵乃上天爰始濯纓清猷濬發月降

文陞透迤魏闕惠露霏吳仁風扇越涉夏踰漢及成期月用
簡必從日新為盛在上哀矜臨下莊敬草木不夭昆蟲得性
我有芳蘭民胥攸詠羣夷蠢蠢巖別嶂分傾山盡落其從如
雲孳妻荷子負戴成羣廻首請吏會何足云昔聞大道仁罔
不遂彼蒼如何興山止篋四牡方馳六龍頓轡斯民揚仰那
國於齊隕晏平行哭致禮趙徂自國列邦揮涕沉我君斯
皇之介第哀感徒庶勸興雲陞階毀留贊川汎歸軸競羞野
莫爭攀去轂遵渚號追臨渡望哭無絕終古惟蘭與菊塗由
帝渚朱軒靡駕東首瑩園卽宮長夜逝川無待黃金難化鐘
石徒刊芳猷永謝之誠夫丁平之賦將自不悲世榮貴在
對墓誌類對出傳國編國開美瑞結美辭斷不為譽滿人

劉先生夫人墓誌

既稱萊婦亦曰鴻妻復有令德一與之齊實依君于簪蒿杖
藜欣欣負載在冀之畦居室有行亟聞義讓稟訓丹陽弘風
丞相籍甚二門風流遠尚聲允才淑闕德斯諒蕪沒鄭鄉叔
寥楊冢參差孔樹毫末成拱暫啓荒塋長局幽隴夫貴妻尊
匪爵而重

行狀類

齊竟陵文宣王行狀

祖太祖高皇帝

父世祖武皇帝

南徐州南蘭陵郡縣都鄉中都里蕭公年三十五行狀

公道亞生知照隣幾庶孝始人倫忠爲令德公實體之非毀
譽所至天才博瞻學綜該明至若曲臺之禮九師之易樂分
龍趙詩析齊韓陳農所未究河間所未輯有於此罔不兼
綜者歟昔沛獻訪對於雲臺東平齊聲於揚史淮南取貴於
食時陳思見稱於七步方斯蔑如也初沈攸之跋扈上流稱
亂陝服宋鎮西首熙王南中郎邵陵王並鎮益口世祖叱贊
兩藩而任總西伐公時從在軍鎮西府版寧朔將軍軍主南
中郎版補行參軍署法曹于時景燭雲火風馳羽檄謀出股
肱任切書記遷左軍邵陵王主簿記室參軍既允焚林之求
實兼儀形之寄刀筆不足宣功風體所以弘益除邵陵王友
又爲安南邵陵王長史東夏形勝關河重複選衆而舉敦悅

斯在除使持節都督會稽東陽臨海永嘉新安五郡諸軍事
輔國將軍會稽太守太祖受命廣樹藩屏公以高昭武穆惟
戚惟賢封開喜縣開國公食邑千戶又以奏課連最進號冠
軍將軍越人之巫覡正風而化俗篁竹之酋感義讓而失險
邪叟忘其西吳龍丘挾其東皇會武穆皇后崩公星言奔波
泣血千里水漿不入於口者至自禹穴逮衣裳外除心哀內
疚禮屈於厭降事迫於權奪而茹感肌膚沉痛創鉅故知鐘
鼓非樂云之木練旌非隆殺之要改授征虜將軍丹陽尹良
家入徙戚里內屬政非一軌俗備五方公內樹寬明外施簡
惠神臯載穆轂下以清武帝嗣位進封竟陵郡王食邑如千
戶復授使持節都督南徐兗二州諸軍事鎮北將軍南徐州

刺史遷使持節侍中都督南兗徐北兗青冀五州諸軍事征
北將軍南兗州刺史兗徐接壤素漸河潤未及下車仁聲先
洽玉關靖柝北門寢扁朝旨以董司岳牧敷興邦教方任雖
重比此爲輕徵護軍將軍兼司徒侍中如故又授車騎將軍
兼司徒侍中如故卽授司徒侍中又如故上穆三能下敷五
典闢玄闈以圃化寢鳴鐘以體國翼亮孝治緝熙中教奪金
駟訟踐田自曝不彫其朴用晦其明聲化之有倫繁公是賴
庠序肇興儀形國胄師氏之選允歸人範以本官領國子祭
酒固辭不拜入座初啓以公補尚書令式是敷奏自按時序
夫國家之道互爲公私君親之義遞爲隱犯公一極一致愛
敬同歸亮誠盡規謀猷弘遠矣又授使持節都督揚州諸軍

事揚州刺史本官悉如故舊惟淮海今則神牧編戶殷阜蔚
俗滋繁不言之化若門到戶說矣頃之解尚書令改授中書
監餘悉如故獻納樞機絲綸允緝武皇晏駕寄深負圖公卽
惟國典俛遵遺託俯擇大倫踊絕下地居處之節復如居武
穆之憂聖主嗣興地居山處有詔策授太傅領司徒餘悉如
故坐而論道動以觀德地尊禮絕親賢莫貳又詔加公入朝
不趨讚拜不名劔履上殿肅傅之賢曹馬之親兼之者公也
復以申威重道增崇德統進督南徐州諸軍事餘悉如故並
表疏累上身沒讓存天不憖遺梁岳頽峻某年某月日薨春
秋三十有五詔給溫明秘器歛以袞章備九命之禮遣大鴻
臚監護喪事朝夕奠祭太官供給禮也故以慟極津門感充

長樂豈徒春人不相傾，壘罷肆而已哉。乃下詔曰：褒崇庸德，前王之令典，追遠尊朕，公情之所隆。故使持節都督揚州諸軍事、中書監、太傅、領司徒、揚州刺史、竟陵王。新除進督南徐州、體睿履正，神鑒淵邈，道冠民宗，具瞻惟允。肇自弱齡，孝友光備，爰及贊契，協升景業。燮和台曜，五教克宣。敷奏朝端，百揆惟穆。寄重先顧，任均負圖。諒以齊徽，二南同規。往哲方憑，保祐永翼。雍熙天不憖遺，奄見薨落。哀慕抽割，震動于厥心。今先遠戒期，龜謀襲吉。茂崇嘉制，式弘風猷。可追崇假黃鉞，侍中都督中外諸軍事、太宰、領大將軍、揚州牧、綠綬，綬具九錫服命之禮。使持節、中書監、王如故，給九旒鑿輅、黃屋左纁。輜輶車前後部羽葆鼓吹，挽歌二部，虎賁班劍百人。葬禮一

依晉安平獻王孚故事。公道識虛遠，表裏融通。淵然萬頃，直上千仞。僕妾不覩其喜，慍近侍莫見其傾。他入之善若已，有之民之不減。公實貽恥，誘接恟恟，降以顏色。方於事上，奸下。而厭於殖財，施人不倦。帝子儲李，令行禁止。國綱天憲，實諸掌握。未嘗鞠人於輕刑，劓人於重議。人有不及，內怨諸已，非意相干。每爲理屈，任天下之重體。生民之後，華袞與縕繒同歸。山藻與蓬艾俱逸，良田廣宅符仲長之言。邱山洛水協應，叟之志丘園。東國錙銖，軒冕乃依。林構宇，傍巖拓架。清後與壺人爭日，緹悞與素瀨交輝。置之虛室，人野何辨。高人何黜，躡屨於鐘阿。徵士劉虬獻書於衡岳，贈以古人之服。弘以度外之禮，屈以好士之風。申其趨王之意，乃知大春屈。

已五王君大降節憲后致之有由也其卉木之奇泉石之美
公所製山居四時序言之已詳文皇帝養德東朝同符作者
爰造九言實該百行遵於禱於木明申炯戒於茲日非直且
暮千載故乃萬世一時也命公註解衛將軍王儉綴而序之
山宇初構超然獨往顧而言曰死者可歸誰與入室尚想前
良俾若神對乃命書工圖之軒牖既而網屬賢英傍思才淑
匹婦之操亦有取焉有客游梁朝者從容而進曰未見好德
愚竊惑焉即命刊削投杖不暇公以爲出言自口驥驟不追
聽受一謾差以千里所造箴銘積成卷軸門階戶席寓物垂
訓先是震于外寢匠者以爲不祥將加治昔公曰此天譴也
無所改脩以記吾過且令戒懼不怠從諫如順流虛已若不

足至於言窮藥石若味滋旨信必由中貌無外悅貴而好禮
怡寄典墳雖牽以物役孜孜無怠乃撰四部要略淨任子並
勒成一家懸諸日月弘洙泗之風闡迦維之化大漸彌留話
言盈耳黜殞之請至誠懇惻豈古人所謂立言於世沒而不
朽者歟易名之典請遵前烈謹狀

弔文類

弔屈原文 并序

賈誼

誼爲長沙王太傅旣以謫去意不自得及渡湘水爲賦以弔
屈原屈原楚賢臣也被讒放逐作離騷賦其終篇曰已矣哉
國無人兮莫我知也遂自投汨羅而死誼追傷之因以自喻
其辭曰恭承嘉惠兮俟罪長沙側聞屈原兮自沉汨羅造託

湘流兮敬弔先生遭世罔極兮乃隕厥身嗚呼哀哉逢時不
祥鷺鳳伏竄兮鳴臬翔翔關茸尊顯兮譏諛得志賢聖逆曳
兮方正倒植世謂隨夷爲濁兮謂跖蹻爲廉莫邪爲鈍兮鉞
刀爲銛吁嗟默默生之無故兮幹棄周鼎寶康瓠兮騰駕罷
牛駘蹇驢兮驥垂兩耳服鹽車兮章甫薦履漸不可久兮嗟
苦先生獨離此咎兮訊曰已矣國其莫我知兮獨壹鬱其誰
語鳳漂漂其高逝兮固自引而遠去襲九淵之神龍兮沕深
潛以自珍伺螻蟻以隱處兮夫豈從蝦與蛙蟻所貴聖人之
神德兮遠濁世而自藏使騏驥可得係而羈兮豈云異夫犬
羊般紛紛其離此尤兮亦夫子之故也歷九州而相其君兮
何必懷此都也鳳凰翔于千仞兮覽德輝而下之見細德之

險徵兮遙增擊而去之彼尋常之汗漬兮豈能容夫吞舟之
巨魚橫江湖之鯨鯨兮固將制於螻蟻

弔魏武帝文 并序

陸機

元康八年機始以臺郎出補著作游乎秘閣而見魏武帝遺
令愴然歎息傷懷者久之客曰夫始終者萬物之大歸死生
者性命之區域是以臨喪殯而後悲觀陳根而絕哭今乃傷
心百年之際興哀無情之地意者無乃知哀之可有而未識
情之可無乎機答之曰夫日蝕由乎交分山崩起於朽壤亦
云數而已矣然百姓怪焉者豈不以資高明之質而不免卑
濁之累居常安之勢而終嬰傾離之患故乎夫以迴天倒日
之力而不能振形骸之內濟世夷難之智而受困魏闕之下

已而格乎上下者。藏於區區之木。光于四表者。翳乎最爾之土。雄心摧於弱情。壯圖終於哀志。長算屈於短日。遠跡頓於促路。嗚呼。豈特瞽史之異闕。景黔黎之怪頽。岸乎觀其所以。顧命冢嗣。貽謀四子。經國之略。既遠。隆家之訓。亦弘。又云。吾在軍中。持法是也。至於小忿。怒大過失。不當效也。善乎。達人之讜言矣。持姬女而指季豹。以示四子。日以累汝。因泣下。傷哉。曩以天下。自任。今以愛子。託人。同乎盡者。無餘。而得乎二者。無存。然而婉孌。房闈之內。綢繆。家人之務。則幾乎密與。又曰。吾媿好妓人。皆著銅雀臺於臺堂上。施八尺牀。張總帳。朝脯。上脯。猶之屬。月朝十五日。輒向帳作妓。汝等時時登銅雀臺。望吾西陵墓田。又云。餘香可分與諸夫人。諸舍中無所爲。

學作履組。賣也。吾歷官所得。綬皆著藏中。吾餘衣裘。可別爲一藏。不能者。兄弟可共分之。旣而竟分焉。二者可以勿求。存者可以勿違。求與違不其兩傷乎。悲夫。愛有大而必失。惡有甚而必得。智惠不能去其惡。威力不能全其愛。故前識所不用心。而聖人罕言焉。若乃繫情累於外物。畱曲念於閨房。亦賢俊之所宜廢乎。於是遂憤懣而獻弔云爾。

接皇漢之末緒。值王塗之多違。佇重淵以育鱗。撫慶雲而遐飛。運神道以載德。乘靈風而扇威。摧羣雄而電擊。舉勅敵其如遺。指八極以遠略。必翦焉而後綬。登三才之闕典。啓八地之禁闈。舉脩綱之絕紐。紐大音之解徽。掃雲物以貞觀。要萬塗而來歸。丕大德以宏覆。援日月而齊暉。濟元功於九有。固

舉世之所推彼人事之大造夫何往而不臻將覆篲於浚谷
擠爲山乎九天苟理窮而性盡豈長算之所研悟臨川之有
悲固梁木其必顛當建安之三八實大命之所艱雖光昭於
曩載將稅駕於此年惟降神之縣邈眇千載而遠期信斯武
之未喪膺靈符而在茲雖龍飛於文昌非王心之所怡憤西
夏以鞠旅沂秦川而舉旗踰鎬京而不豫臨渭濱而有疑冀
翼日之云疹彌四旬而成災詠歸塗以反旆登嶠澠而竭來
次洛汭而大漸指六軍曰念哉伊君王之赫奕定終古之所
難威先天而蓋世力盪海而拔山厄奚險而弗濟敵何強而
不殘每因禍以履福小踐危而必安迄在茲而蒙昧慮噤閉
而無端委軀命以待難痛沒世而永言撫四子以深念循膚

體而積歎迨營鬼之未離假餘息乎音翰執姬女以嚙瘁指
李豹而灌焉氣衝襟以嗚咽涕垂睫而沈瀾違率土以靜寐
戢彌天乎一摧咨宏度之峻邈壯人業之允昌思居終而恤
始命臨沒而肇揚援貞吝以基恟雖在我不減惜內顧之
纏緜恨末命之微詳紆廣念於履組塵清慮於餘香結遺情
之婉變何命促而意長陳法服於帷座陪窈窕於玉房宣備
物於虛器發哀音於舊倡矯感容以赴節掩零淚而薦觴物
無微而不存體無惠而不亡庶聖靈之響像想幽神之復光
苟形聲之翳沒雖音景其必藏微清絃而獨奏進脯糲而誰
嘗悼總帳之冥漠怨西陵之茫茫登雀臺而羣悲貯美目其
何望既踰古以遺累信簡禮而薄葬彼裘紱於何有貽塵謗

於後王嗟大憇之所存故雖替而不忘覽遺籍以慷慨獻茲文而悽傷

祭文類

祭古冢文 并序

謝惠連

東府掘城北塹入丈餘得古冢上無封域不用磚甃以木爲槨中有二棺正方兩頭無和明器之屬材尾銅漆有數十種多異形不可盡識刻木爲人長三尺可有一寸餘頭初開見悉是人形以物振撥之應手灰滅棺上有五銖錢百餘枚木中有甘蔗節及梅李核瓜瓣皆浮出不甚爛壞銘誌不存世代不可得而知也公命城者改埋於東岡祭之以豚酒旣不知其名字遠近故假爲之號曰冥漠君云爾

元嘉七年九月十四日司徒御屬領直兵令史統作城錄事臨漳令亭侯朱林具豚膠之祭敬薦冥漠君之靈忝總徒旅版築是司窮泉爲漣聚壤成基 擲旣啓雙棺在茲拾畚悽愴縱鍾漣洏芻藘已毀塗車旣摧几筵糜腐俎豆傾低盤或樽李盜或醢醢庶傳餘節瓜長遺犀追惟夫子生自何代曜質幾年潛靈幾載爲壽爲夭寧顯寧晦銘誌堙滅姓字不傳今誰子後曩誰子先功名美惡如何蔑然自堵皆作十仞斯齊墟不可轉漣不可迴黃腸旣毀便房已頽循題興念撫偏增哀射聲垂仁廣漢流渥祠骸府阿掩骼城曲仰羨古風爲君改卜輪移北隄窳窳東麓壙卽新營棺仍舊木合葬非古周公所存敬遵昔義還祔雙魂酒以兩壺牲以特豚幽靈髣

髡歆我犧樽嗚呼哀哉

祭屈原文

顏延之

維有宋五年月日。湘州刺史吳郡張邵。恭承帝命。建旗舊楚。蒞懷沙之淵。得指珮之浦。弭節維潭。艤舟汎渚。乃遣尸曹。某敬祭故楚閩大夫屈君之靈。蘭薰而摧。玉纒則折。物忌堅芳。人諱明潔。日若先生。逢辰之缺。溫風息時。飛霜急節。扇芋蓮紛。昭憫不端。謀折儀尚。貞茂椒蘭。身絕郢閩。跡徧湘干。比物荃蓀。連類龍鸞。聲溢金石。華日月如彼。樹芬實嶺。實發。望洲心。歎瞻羅思。越藉用可。卑昭忠難。闕

祭顏光祿文

王僧達

維宋孝建三年九月癸丑朔十九日辛未。王君以山薨野酌。

敬祭顏君之靈。嗚呼哀哉。夫德以道樹。禮以仁清。惟君之懿。早歲飛聲。義窮幾教。文蔽班揚。性粹剛繁。志度淵英。登朝光國。實宋之華才。通漢魏譽。淡龜沙服。爵帝典。棲志雲阿。清交素友。比景共波。氣高叔夜。嚴方仲舉。逸翮獨翔。孤風絕侶。流連酒德。嘯吹琴緒。游顧移年。契濶宴處。春風首時。爰談爰賦。秋露未凝。歸神太素。明發晨駕。瞻廬望路。心懷日滋。情條雲瓦。涼陰掩軒。娥月寢濯。微燈動光。几牘誰照。衮衮長塵。絲竹罷調。學悲蘭宇。層嶺松嶠。占來共盡。牛山有淚。非獨吳天。鐵我明懿。以此忍哀。敬陳奠饋。申酌長懷。願望歔嗚。呼哀哉。

古來所傳國刻文選正文若干悉皆以國字左右附注如馬姓
 之足熟師授之弟子受之讀畢而不知歷代諸家之作譬諸婦
 賤買橫亦唯有勞無功而已南郭服老閱之刻白文以披之善
 則善矣未讀而輒置之世遂無知之者唯吾山子執中譯之有
 益學者是以東西南北一皆從之無異而前此磨滅風月僅氏
 欲翻刻之抑此書前版雕刻既成而後使吾去萬子福披之唯
 有誤誤難改正者有之曲從以至今日則請余披閱之而余表
 老多事則一二閱之而使風謙重訂之於是文字誤者國數失
 者其詞細繆者數千盡改之以披剞劂氏雖然蕭氏所選數十
 萬言焉期不有少遺漏哉乃其補闕拾遺當俟後之學者者矣

文政癸未冬十一月

信州久保愛識



發行

書房

江戶日本橋通二百 須原屋茂兵衛

同二丁目 山城屋佐兵衛

同芝神明前 岡田屋嘉七

京御幸町御池南 菱屋孫兵衛

大阪心齋橋南二丁目 敦賀屋九兵衛

同安堂寺町 敦賀屋彦七

同堺築金田町 象牙屋治郎兵衛

部	學
番	1515
号	(古)
藏	京都大學圖書館藏

